

大明會典

大明會典卷之七十一

禮部二十九

婚禮五

品官納婦

洪武三年定。凡品官婚娶。或為子聘婦。先遣媒氏通書。次遣使及媒氏行六禮。婦至壻家。主人饗宴送者。明日謁見祖禰訖。次見舅姑。行盟饋之禮。舅姑饗婦如家人之儀。

納采

前一日。主婚者設賓次於大門外。賓席於廳事。至日設廡及禮物於廳及庭。媒氏省視訖。執事

者舉禮物進。賓及媒氏從其後。質明。主婚者具祝版告廟以行。賓至女第。媒氏入告。贊者延賓入次。執事者各陳禮物於大門內。女氏主婚者公服出迎於大門外。贊者引賓出次。主婚者揖賓入。賓及媒氏陞自東階。主婚者陞自西階。至廳。賓立於左。主婚者立於右。媒氏立於賓之南。執事者各陳其物於廳及庭。賓及主婚者皆再拜。賓詣主人曰。某官以伉儷之重。施於某。某率循禮典。謹使某納采。主婚者曰。某之子弗聞姆訓。既辱采擇。敢不拜嘉。主婚者揖賓就西向坐。

主婚者東向坐。執事者徹禮物訖。賓復入陳鴈及禮物於廳。賓詣主婚者曰。某官慎重婚禮。將加卜筮。請問名。主婚者進曰。某第幾女。妻某氏。出。或以紅羅或以銷金紙書女第行年歲。賓將降出。主婚者曰。請禮從者。賓復就坐。遂行飲食之禮畢。賓降自東階出。主婚者送至大門外。

納吉

禮如納采儀。賓致辭曰。某官承嘉命。稽諸卜筮。龜筮協從。使其告吉。主婚者曰。某未教之女。既以吉告。其何敢辭。

納徵

禮如納吉儀。加玄纁束帛。函書。賓致辭曰。某官以伉儷之重。加惠某官。率循典禮。有不腆之幣。敢請納徵。主婚者曰。某官貺某。以重禮。某敢不拜受。辭畢。賓即函書授主婚者。主婚者受書。以授執事者。主婚者之從者亦以函書進授主婚者。主婚者受。以授賓。賓受書。以授左右訖。主婚者揖就席。主婚者之執事者各徹禮物。

請期

亦與納吉同

親迎

前一日。主婚者設次於大門外。其日。壻父公服告于禰廟。質明。壻具公服親迎。執事者設壻父位于廳之正中。壻父即座。贊者引壻陞自西階。至父座前。北面再拜。進立父位前。父命之曰。躬迎嘉偶。釐爾內治。壻進曰。敢不奉命。退復位再拜。媒氏導壻之女家。其日。女氏主婚者公服告廟訖。宴會親戚。醴女如家人禮。壻至門外下馬。媒氏入告贊者。引壻就次。女從者請女盛服就寢門內南坐。贊者引壻出次。主婚者出迎壻於

大門之東。西面揖壻入。主婚者入門而右。壻入門而左。執鴈者從壻後。至寢戶前北面立。主婚者立於寢戶之東。西向。執鴈者陳鴈於庭。壻再拜。壻出。就次。主婚者不降送。壻既出。女父母就正廳南向坐。保姆引女就父母座前北面四拜。父命之曰。往之女家。以順為正。無忘爾恭。母命之曰。必恭必戒。毋違舅姑之命。庶母申之曰。爾悅聽於訓言。毋作父母羞。保姆及侍女導從女出門陞車。儀衛導前。應送者乘車從後。壻先還以俟。

同牢

女將至壻家。執事者設座於寢室內。壻東婦西。設壻洗一於室之東南。婦洗一於西北。酒案於室之南。楹正中。設四爵。兩盃於酒尊之北。食案二於酒案之北。初昏。婦車至門。保母請下車。贊者引壻出迎於大門內。壻婦同入。及寢門。壻先陞階。保母等導婦後陞。入室。壻盥於南。洗。婦從者執巾。進水以沃之。婦盥於北。洗。壻從者執巾。進水以沃之。盥畢。從者請壻婦各就座。執事者各舉食案於壻婦之前。司尊者注酒。侍女以酒

置于案上。壻婦飲訖。徹盞。司饌者進饌。侍女供饌於案。壻婦饌訖。徹饌。再飲。再饌如初。侍女以盃注酒。進於壻婦前。各飲畢。贊者請皆興。立於座南。東西相向。贊拜。壻婦皆再拜。侍從引壻婦入室。易服。壻從者餽婦之餘。婦從者餽壻之餘。

廟見

婦至之明日。見宗廟。設主婚者拜位於東階下。壻拜位於其後。主婦拜位於西階下。婦拜位於其後。諸親拜位。男女各於主婚者及主婦後。其目婦夙興沐浴盛服。主婚者及主婦皆盛服。各

就位再拜。贊者引婦進詣庭中北面立。主婦者陞自東階詣神位前跪。三上香。三祭酒。讀祝。與主婦者立於神位西。婦四拜。退復位。主婦者降自東階就拜位。主婦者以下皆再拜禮畢。

見舅姑

婦既謁廟見舅姑。執事者先設舅姑位於堂上。舅在東。姑在西。婦沐浴盛服立於堂下。俟舅姑即座。贊者引婦就拜位四拜。保姆引自西階至舅前。侍女奉棗栗授於婦。婦受之置位前。案上降階復四拜訖。詣姑前奉服。脩如舅前儀。執事

者各徹訖。婦退。降自西階。至庭下行四拜禮畢。
婦退。舅姑醴婦如家人禮。

盥饋

婦見舅姑之明日。行盥饋禮。其日。婦家備盛饌。至壻家。婦從者設舅姑位於堂上。食案於堂中。婦夙興沐浴盛服。立於庭下。舅姑即座。婦四拜。保姆引婦陞自西階。至舅位之南。婦從者舉食案於舅前。執事者以饌授婦。婦奉饌置於舅前。執事者加匕箸進饌於姑。亦如之。食訖。婦從者徹饌。婦降階就拜位。四拜禮畢。舅姑醴婦如初。

見禮

舅饗丈夫送者

其日質明。主婚者命執事者設賓席於正廳東西相向。其席位從其賓之數。設酒案於廳之南楹。設食案於酒案之北。賓至。掌次者引賓先就次。主婚者出迎於大門之外。引禮者引賓出次。主婚者揖賓入。賓陞東階。主婚者陞西階。至廳分東西相向立。贊禮唱鞠躬再拜。賓主皆再拜。平身。主婚者揖賓各就座。執事者舉食案進供於賓客。主婚者之前。進酒進饌如常儀。會畢。賓

主俱興。賓立於東階上。西向。主婚者立於西階上。東向。執事者奉幣以授。主婚者。主婚者以授。賓賓受以授。從者降自東階。從者奉幣以從。賓出。主婚者送於大門外。

姑饗婦人送者

其日。主婚者之執事者設女賓次於中門之內。設女賓席於後堂東西相向。設女賓親黨位於女賓之南。西向。設主婦親黨位於主婦之南。東向。設酒案於堂之南。櫺。設食案於酒案之北。女賓至。掌次者引就次。主婦出迎於次外。女贊引

女賓出次。主婦接女賓同入。女賓陞東階。主婦陞西階。至廳。分東西相向立。女贊唱再拜。女賓及主婦皆再拜。主婦請女賓皆就位坐。侍女奉食案進供於女賓。主婦之前。進酒進饌如常儀。會畢。女賓及主婦皆興。執事者奉幣以授主婦。主婦受幣以授女賓。女賓受幣。降自西階。以授從者。從者奉幣以從。女賓出。主婦送於門外。

庶人納婦

洪武元年。令凡民間嫁娶。並依朱文公家禮行。○又令男女婚姻。各有其時。或有指腹割衫襟。

為親者並行禁止。○三年定。凡男年十六。女年十四以上。並聽婚娶。先遣媒氏通言。女氏許之。次命媒氏納采。納幣。至期。壻盛服親迎。主婚者禮賓。明日。婦見祖禰畢。次見舅姑。壻往見婦之父母。

納采

是日夙興。主婚者告于祠堂云。某之子某年已長成。未有伉儷。已議娶某郡某之女。今日納采。不勝感愴。若宗子自婚。則自告。媒氏奉書及禮物往女家。至大門外。主婚者出迎。媒氏。媒氏入門而右。主

媾者入門而左。陞堂東西相向立。執事陳禮物於堂上及庭中。媒氏進詣主媾者曰。吾子有惠。既室於某。某親某有先人之禮。使某請納采。主媾者對曰。某之子愚。又弗能教。吾子命之。某不敢辭。從者以書進授媒氏。媒氏奉書以授主媾者。主媾者受書以授左右訖。延媒氏就次。執事者各徹禮物。主媾者遂奉書告於祠堂訖。出迎媒氏陞堂。從者以復書進授主媾者。主媾者以授媒氏。媒氏受書以授執事訖。請退。主人請媒氏以酒饌。請從者於別室。皆酌以幣。使者復

命婿家。婿家復告祠堂

納幣請期

古有問名納言。朱子家禮止用納采納幣。以從簡便。

其日婿氏主婚者備書及禮物於庭。媒氏省視訖。遂奉書及禮物至女家。主婚者出迎。媒氏入門而右。主婚者入門而左。陞堂東西相向立。從者陳禮物於堂及庭中。媒氏進詣主婚者前曰。吾子既修好於某某。使某來成禮。主婚者曰。備禮有加。敢不重拜。從者以函書授媒氏。媒氏以授主婚者。主婚者受書以授左右訖。左右以復書進授主婚者。主婚者以授媒氏。媒氏受書復

致命曰某使某請吉日。主婚者曰某固聽命。媒氏曰請以某甲子。主婚者曰敢不承命。媒氏請退。主婚者留媒氏宴饗如納采之儀。

親迎有執聽以媒氏往迎

前期一日。女氏使人張陳其婿之寢室。俗謂之

其日質明。婿父盛服以祝告廟訖。父坐於正廳

中間南向。子盛服。品官子孫做九品服。餘衫折上巾。立於父位

之西。少南東向。贊禮唱鞠躬拜興拜興平身。婿

鞠躬拜興拜興平身。執事者以盞注酒投婿婿

祭酒少許訖。啐酒。以盞投從者訖。興平身。進立

於父位前。父命之曰。釐爾內治。往求爾匹。壻進
曰。敢不奉命。贊禮唱鞠躬拜興。拜興平身。壻鞠
躬拜興。拜興平身。降出乘馬。以二燭前導。至女
家。司賓延入次。是日。女父母請親戚宴女如家
人之儀。壻至。主婚者以祝告於祠堂曰。某之第
幾女。將以今日歸于某。不勝感愴。告祝訖。出迎
壻於中門之外。揖壻入。主婚者陞東階。西向。壻
陞西階。進當寢戶之前。北面。執鴈者陳鴈於階
庭。無屬以壻曰。某受命於父。以茲嘉禮。恭聽成
命。主婚者曰。某固願從命。贊禮唱鞠躬再拜。平

身。婿鞠躬再拜。平身。贊禮引婿降階。出至次。以俟。主婚者不降送。婿既出。就次。女父母盛服南向坐。侍女導從女至堂上。請父母前北面立。贊者唱四拜。女四拜。父戒之曰。往之爾家。無忘爾恭。母戒之曰。夙夜以思。無有違命。諸母申之曰。無違爾父母之訓。贊者又贊四拜。女四拜。興訖。侍女導從出門。陞輿。二燭導行。婿先乘馬。還俟於門外。婦至門外。贊者請降輿。婦降輿。入門。北面立。婿出至中門外。南面揖。婦同入室。婦從者布婿席於室東。婿從者布婦席於室西。贊者引

婿婦至席所東西相向。贊禮唱拜興。拜興。婿婦皆再拜。婿揖婦就坐。婦從者舉食案置於婿前。婿從者舉食案置於婦前。婿從者斟酒進供於婿。婿受盞飲酒。婿從者斟酒進供於婦。婦受盞飲酒畢。從者以饌進。婿婦皆饌。再飲。再饌畢。婦從者以盃斟酒進授婿。婿受盃同飲畢。婿婦皆饌。入寢室。婿脫服。婦從者受之。婦脫服。婿從者受之。婿從者餽婦之餘。婦從者餽婿之餘。主婚者禮男送者於外廳。主婚禮女送者於中堂。各如儀。

見舅姑

婦至之明日。謁見舅姑。其日。夙興盛服立於堂下。舅姑坐於堂上。舅位在東。姑位在西。置卓子於舅姑之前。家人男女少於舅姑者立於兩序。侍女引婦立於東階下。贊禮唱四拜。婦四拜。侍女引婦陞東階至舅位前。侍女以贊幣進授於婦。婦受贊幣奠於卓子上。舅撫之。侍女引婦降階北面立。贊禮唱四拜。婦四拜。侍女引婦就西階下立。贊禮唱四拜。婦四拜。侍女引婦陞西階至姑位前。侍女以贊幣進授於婦。婦受贊幣進

奠於卓子上。姑撫之。侍女引婦降階北面立。贊禮唱四拜。婦四拜。贊禮唱禮畢。舅姑醴婦如家人之儀。

見祖禰

古者三月而廟見。未于家禮以其太遠。改用三日。

婦至之明日。見于祖禰。

無廟者。設神位于廳中。

設主婦者

拜位於東階下北面。壻拜位於後。設主婦拜位於西階下。婦拜位於其後。親屬拜位。各以序分立於主婦者。主婦之後。其日。婦夙興沐浴盛服。主婚者及主婦皆盛服。贊禮引主婚者就東階下位次。引主婦就西階下位次。引諸親及壻婦

各就位。立定。贊禮唱再拜。率身。主婚者以下皆再拜。率身。贊禮引婦進詣庭中北面立。引禮引主婚者陞自東階詣神位前。引禮唱跪。主婚者跪。引禮唱上香。上香三。上香。司香者奉香進于主婚者左。主婚者三上香訖。引禮唱祭酒。祭酒三。祭酒。司尊者以酒進于主婚者之左。主婚者祭酒畢。引禮唱讀祝。讀訖。引禮唱俯伏。與率身。主婚者俯伏。與率身。引禮引主婚者立於神位之西。贊禮唱四拜。婦四拜訖。退復位。引禮引主婚者降自東階。就拜位。贊禮唱鞠躬。再拜。率身。

主婚者以下皆鞠躬再拜。平身。贊禮唱禮畢。主婚者以下皆退。

壻見婦之父母

婦至之明日。壻盛服往見婦之父母。至大門外立俟。贊禮者先入告。婦父出迎於大門外。揖壻入。從者執幣從其後。婦父陞自西階。壻陞自東階。至廳東西相向。婦父在西。壻在東。贊禮唱鞠躬四拜。平身。壻四拜。與平身。婦父扶壻。與從者以幣進授壻。壻受幣。進於婦父。婦父受幣。以授左右。贊禮引壻入。至後堂門外。少俟。從者執幣

以從婦母盛服出後堂南向立。贊禮引婿入堂前。楹北向立。贊禮唱鞠躬四拜。平身。婿鞠躬四拜。與平身。婦母答拜訖。從者以幣授婿。婿受幣進授婦母之左右。訖。贊禮引婿出。次見婦黨。諸親皆如賓客相見之禮。婦家設酒饌。禮婿各隨貧富之儀。

饗送者其禮如品官饗送者之儀。

洪武五年

詔古之婚禮結兩姓之好。以重人倫。近代以來。專論聘財習染奢侈。宜令中書省集議定制。頒行。

遵守。務在崇尚節儉。以厚風俗。違者論罪如律。
○嘉靖八年題准。士庶婚禮。如問名納吉。不行
已久。止做家禮。納采納幣。親迎等禮行之。所有
儀物。二家俱毋過求。

大明會典卷之七十二

禮部三十

宴禮

宴有大宴中宴常宴小宴。洪武永樂間兩定禮少異。而樂半不同。至嘉靖間有宮殿落成書成之宴。今具列之。而

歷朝各例附于後

大宴儀

中宴儀

洪武二十六年定

是日尚寶司設

御座于奉天殿。錦衣衛設黃麾于殿外之東西。金吾

等衛設護衛官二十四員于殿東西。教坊司設九奏樂歌于殿內。設大樂于殿外。立三舞雜隊于殿下。光祿司官設酒亭于

御座下之西。膳亭于

御座下之東。珍羞醞醢亭于酒膳亭之東西。設

御筵于

御座之東西。設羣臣四品以上位于殿內之東西。設羣臣酒尊食卓于殿外。設五品以下位卓于東西兩廊。司壺尚食各供乃事。引禮引羣臣殿外東西相向立。儀禮司跪奏請陞座。

駕興。大樂作。陞座。鳴鞭。樂止。鳴贊。引文武官。四品以上。由東西門入殿中。橫班北向立。五品以下。官列于殿外丹墀。北向立。樂作。贊四拜。樂止。光祿司官進。

御筵。大樂作。捧案至。

御前。樂止。進花。樂作。進訖。樂止。光祿司官開爵。注酒。捧詣。

御前進第一爵酒。教坊司跪奏。一奏。炎精開運之曲。贊內外官皆跪。教坊司跪奏。進酒。飲畢。贊衆內外官俯伏興。樂作。贊四拜。平身。樂止。贊各就位。

序班隨進羣臣卓散花樂作散訖樂止序班即
進羣臣盞第二爵酒教坊司跪奏二奏皇風之
曲樂作光祿司官斟酒

御前序班隨斟羣臣酒教坊司跪奏進酒候

皇帝舉酒羣臣以次舉飲訖樂止光祿司官進湯鼓
吹響節前導至殿外鼓吹止殿上樂作羣臣起
立光祿司官進湯

御前羣臣復位序班即供羣臣湯樂止教坊司跪奏
進湯樂作候

皇帝舉箸羣臣次

皇帝進湯訖。贊饌成。樂止。武舞入。教坊司跪奏平定。

天下之舞。舞畢。出第三爵酒。教坊司跪奏三奏。

眷皇明之曲。樂作。進酒如前儀。樂止。教坊司跪。

奏撫安四夷之舞。舞畢。出第四爵酒。教坊司跪。

奏四奏天道傳之曲。樂作。進湯如前儀。食畢。教。

坊司跪奏車書會同之舞。舞畢。出第五爵酒。教。

坊司跪奏五奏振皇綱之曲。進酒如前儀。飲畢。

教坊司跪奏百戲承應。舞畢。出第六爵酒。教坊。

司跪奏六奏金陵之曲。進酒。進湯如前儀。教坊。

司跪奏八蠻獻寶。進呈。舞畢。出第七爵酒。教坊。

司跪奏七奏長楊之曲。進酒如前儀。教坊司跪奏採蓮隊子承應畢。出第八爵酒。教坊司跪奏八奏芳醴之曲。進酒進湯如前儀。食畢。教坊司跪奏魚躍于淵承應畢。出第九爵酒。教坊司跪奏九奏駕六龍之曲。進酒如前儀。飲訖。光祿司官收

御前爵。序班隨收羣臣盞。光祿司官進湯。進大膳。大樂作。羣臣起立。進訖復坐。序班隨供羣臣飯。教坊司跪奏進膳。食訖。替脂成樂止。光祿司官收膳訖。教坊司跪奏百花隊舞承應。舞畢。出鳴贊。

唱撤案。序班撤羣臣卓訖。光祿司官即撤。

御案贊宴成。羣臣皆出席北向立。序班即撤羣臣座。殿外官皆詣丹墀北向立。贊鞠躬。樂作。贊四拜。興。平身。樂止。羣臣分東西立。儀禮司跪奏禮畢。駕興。大樂作。鳴鞭。百官以次出。

續定大宴儀。

是日陳設如前儀。

駕自右順門至。

奉天門丹陛。大樂作。陞座。鴻臚寺官贊拜。百官四拜。興。平身。樂止。光祿寺官進。

御筵內官捧案進膳。樂作。設案畢。樂止。內官進花進膳。樂作。進訖。樂止。教坊司跪奏。一奏上萬壽之曲。侑食。樂作。內官斟酒。捧爵至。

御案前。鴻臚寺贊跪。文武百官皆跪。教坊司跪奏。進酒。鴻臚寺官贊俯伏。興。平身。樂止。贊各就位。百官就坐。簪花訖。教坊司跪奏。平定天下之舞。舞畢。出。教坊司跪奏。二奏仰天恩之曲。樂作。內官斟酒。捧爵至。

御案前。教坊司奏進酒。進酒畢。樂止。殿外導湯。樂作。至殿內。迎湯。樂作。內官捧湯至。

御案前。教坊司奏進湯。樂作。鴻臚寺官贊饌成。內官
撤湯。樂止。教坊司奏黃童白叟鼓腹謳歌承應。
舞畢。奏撫安四夷之舞。舞畢。教坊司跪奏三奏。
感地德之曲。樂作。進酒如前儀。樂止。教坊司跪
奏車書會同之舞。舞畢。教坊司跪奏四奏。民樂
生之曲。樂作。進酒如前儀。樂止。殿外導湯。樂作。
至殿內。迎湯。樂作。內官捧湯至。

御案前。教坊司奏進湯。樂作。鴻臚寺官贊饌成。內官
撤湯。樂止。教坊司跪奏表正萬邦之舞。舞畢。教
坊司跪奏五奏。感皇恩之曲。樂作。進酒如前儀。

樂止。殿外導湯膳。樂作。至殿內。迎湯膳。樂作。內官捧湯膳至。

御案前。教坊司奏進膳。樂作。鴻臚寺官贊饌成。內官撤湯膳并。

御筵樂止。教坊司跪奏天命有德之舞。舞畢。奏纓鞭德勝蠻夷隊舞承應畢。教坊司更進致語畢。鴻臚寺官復贊四拜。興平身。樂止。鴻臚寺官跪奏禮畢。

中宴常宴

洪武二十六年定

凡中宴禮儀同大宴。但進酒七爵。

凡常宴同中宴。但百官一拜三叩頭。進酒或三爵。或五爵而止。

嘉靖十年西苑

仁壽宮落成宴儀

是日。

駕詣無逸殿暫駐。尚膳監設

御幄於仁壽宮丹墀內。光祿寺設各官宴卓於

仁壽宮殿門內外。東西相向。教坊司設小宴樂舞

如儀。

上乘板輿至

仁壽宮。各官及侍衛等官。於殿門外東西序立迎候。

上降輿。陞座。鴻臚寺官贊各官於殿內行一拜三叩頭禮畢。尚膳監設

御筵訖。鴻臚寺光祿寺堂上官侍儀給事中御史序班各依次立。尚膳監進第一爵酒。贊各官皆跪。教坊司官跪奏進酒。

上飲畢。各官俯伏。興樂作贊行四拜禮畢。樂止。贊各就位。鴻臚寺官拱聽。

綸音承

旨如常儀。尚膳監官進第二爵酒。樂作。教坊司官跪奏進酒。候

上舉酒。各官以次舉飲訖。樂止。尚膳監進湯。鼓吹響節前導。至殿門外。鼓吹止。樂作。各官起立。尚膳

監官捧湯進

御前。各官復位。樂止。教坊司跪奏進湯。樂作。候

上舉箸。各官舉訖。贊饌成。樂止。尚膳監進第三爵酒。樂作。教坊司跪奏進酒。

上飲訖。樂止。其第四爵第五爵俱如第三爵之儀。尚

膳監進膳。鼓吹響節前導。至殿外。鼓吹止。樂作。各官起立。尚膳監捧膳進。

御前各官復位。教坊司跪奏進膳。樂作。候。

上舉箸。各官以次舉訖。樂止。鴻臚寺官唱撤案。尚膳監撤。

御案訖。贊宴成。各官入班。贊行四拜禮畢。分東西立。鴻臚寺奏禮畢。

上乘輿還宮。大樂作。各官以次出。

幽風亭宴講官儀。與仁壽宮宴儀同。

嘉靖十五年進呈重書。

寶訓

實錄宴監錄等官于

謹身殿儀

是日監錄等官各具吉服於

華蓋殿東西門外候。

上陞殿樂作。陞座樂止。衆官入。鴻臚寺官贊衆官入。

班樂作。四拜興。平身樂止。內官捧

御案。樂作。設案畢。樂止。簪花。教坊司官跪奏。一奏本

太初之曲。管絃樂作。內官斟酒。捧爵至。

御案前。鴻臚寺官贊跪。監錄等官跪。教坊司官跪奏。

進酒。鴻臚寺官贊俯伏興。平身。樂止。贊各就坐。衆官各就坐。教坊司跪奏聖喜功臣慶賀之舞。舞畢。教坊司跪奏。二奏仰大明之曲。樂作。內官斟酒捧爵至。

御案前。教坊司跪奏進酒畢。樂止。殿外導湯。樂作。至殿內。迎湯。樂作。內官捧湯至。

御案前。教坊司跪奏進湯。樂作。鴻臚寺官贊饌成。內官撤湯。樂止。教坊司跪奏賓鴻翔翔之舞舞畢。羣僊朝聖隊舞承應。教坊司跪奏三奏民初生之曲。樂作。進酒如前儀。樂止。教坊司跪奏二十

八將封侯之舞。舞畢。教坊司跪奏。內奏品物享
之曲。樂作。進酒如前儀。樂止。殿外導湯。樂作。至
殿內。迎湯。樂作。內官捧湯至。

御案前。教坊司跪奏。進湯。樂作。鴻臚寺官贊饌成。內
官撤湯。樂止。教坊司跪奏。感洪恩之舞。舞畢。教
坊司跪奏。五奏御六龍之曲。樂作。進酒如前儀。
樂止。殿外導湯。樂作。至殿內。迎湯。樂作。內
官捧湯。膳至。

御案前。教坊司跪奏。進膳。鴻臚寺官贊饌成。內官撤
湯。并

御案樂止。教坊司跪奏金安之舞。舞畢。朝聖隊舞承應。隨奏贊語畢。鴻臚寺官復贊四拜。興。平身。樂止。鴻臚寺官跪奏禮畢。

上還宮

諸宴通例

凡大祀

天地。次日慶成。大宴文武百官及四夷使臣土官人等。其位次公侯駙馬伯文職四品以上及學士武職都指揮使以上。陛殿東西侍坐。學士坐于文職四品官之上。翰林院左右春坊

經筵官六科都給事中左右給事中尚寶司卿少
卿司丞通政司參議大理寺寺丞國子監司業
翰林院帶俸參議太常寺寺丞鴻臚寺少卿寺
丞順天府治中欽天監監正監副太醫院院使
院判神樂觀提點道錄司知觀等官

中左門序坐。

皇親都指揮同知僉事達官都指揮同知僉事署
都指揮僉事。

皇親正副千戶百戶所鎮撫兵馬副指揮外國副
使野人女直都指揮等官。

中右門序坐翰林院修撰等官六科給事中監察
御史中書舍人陪祀郎中員外郎五府經歷都
察院經歷都事照磨檢校司務翰林院帶俸官
太常寺典簿博士等官犧牲所千百戶詹事府
主簿通事舍人鴻臚寺署丞主簿序班欽天監
五官等官太醫院御醫達官指揮使同知僉事
正千戶副千戶百戶所鎮撫外國四夷人等丹
墀東序坐指揮使指揮同知陪祀指揮同知僉
事外國四夷人等丹墀西序坐其遇朝覲各布
政司方面行太僕寺卿運使知府官員陪祀者

與宴方面官列于

中左門班次。卿運使知府列于東丹墀班次。衍聖公張真人與宴列于二品文官班次。其餘真人領宴。及以事故者亦領宴。其法王佛子國師禪師僧官刺麻俱于大慈恩寺宴。內官一員待宴。先期禮部行各衙門開與宴官員職名畫位次進呈。仍懸。

長安門示衆宴之日。糾儀御史四人。二人立於殿東西。二人立於丹墀。錦衣衛鴻臚寺禮科亦各委官糾舉。○宣德八年。

命朝鮮黑婁琉球陪臣列于殿內東西班後侍坐○
天順三年令張真人不必與宴。

賜饌與之○四年令女直都督列于殿內西班後
侍坐○六年令安南陪臣迤北使臣列于殿內
東西班後侍坐○成化四年令修撰等官給事
中御史中書舍人及錦衣衛堂上官凡近侍風
憲者另列于

丹陛下之東西稍北其陪祀官郎中員外郎以下
及各衙門官分列于

丹陛下之南○嘉靖十年奏准行取坐營在外都

指揮許與宴○二十五年奏准進呈
慶成宴圖揭帖紙劄工費於刑部支取

凡正旦冬至

萬壽聖節洪武永樂間大宴並如

慶成儀宣德正統間朝官不與宴者給

賜節錢鈔錠各處進表官亦今與宴免宴則通

賜節錢

凡立春元宵四月八端陽重陽臘八等節永樂
間俱於

奉天門通

賜百官宴。用樂。其後

賜宴日。早朝畢。光祿寺

面奏百官入班行叩頭禮。

駕還宮。百官出宴於

午門外。不用樂。宴畢。復向闕行叩頭禮。方退

凡

皇太后壽旦。正統四年。

賜百官宴于

午門外

凡

東宮千秋節永樂間。

賜五府六部等衙門堂上官左右春坊科道近侍
錦衣衛隨

駕帶刀指揮千戶等官及天下進箋官宴於

文華殿并

文華門東西廊。

王府進箋官并外國使臣宴於禮部。宣德以後通
宴於

午門外

凡纂修校勘書籍總裁等官。嘉靖八年奏准以

開館前一日。

賜宴於禮部。

命勲臣一員主席

凡纂修書籍進呈。

賜宴於禮部。嘉靖十五年題准纂修官雖已陞遷

去任許一體與宴

凡

內閣大臣一品九年考滿。

賜宴於禮部。

六部尚書侍郎都察院都御史待宴

凡進士。

賜恩榮宴於禮部。

命勲臣一員待宴。

嘉靖間內閣四品特賜坐於二品之末

凡武舉。

賜會武宴於中府。

命內閣大臣一員主席

凡

午門外

欽賜筵宴。嘉靖二十五年題准光祿寺將與宴官員

各照衙門官品開寫職銜姓名貼註席上務於

候朝處所整齊班行候叩頭畢候大臣就坐方許以次照名就席不得預先入座及越次失儀其各官宴餘卓面許令量帶一二人收領不得帶領多人跟隨有紊朝儀違者聽糾儀御史及鴻臚寺指名糾奏跟隨人役混搆者緝事衙門官校拏問

凡文武官遇筵宴洪武初令四品以上官文東武西各照品級上殿侍坐五品以下于殿下丹墀內文東武西各照品級序坐其奉

特旨賜殿內坐者不在此限如在

奉天門則四品以上官坐于門上。五品以下官坐于丹墀內。務要容止恭肅。不許攙越喧譁。○二十年。令百官于

奉天華蓋謹身武英等殿筵宴。奏事須穿履鞋。方許上殿。違者從禮部官監察御史儀禮司糾察。送法司如律。○嘉靖二十五年題准。光祿寺專掌貼註該宴職名。鴻臚寺專掌序列貼註班次。每遇筵宴。先期三日。光祿寺行鴻臚寺查取與宴官班次貼註。若貼註不明品物不備。責在光祿寺。若班次或混禮度有乖。責在鴻臚寺。

大明會典卷之七十二

大明會典卷之七十三

禮部三十一

大宴樂

洪武間定

殿內脩食樂

樂器

麾竿一

祝一

敔一

搏拊一

琴四

瑟二

簫四

笙四

笛四

塤二

笙二

排簫一

鐘一

磬一

應鐘一

樂章

一奏炎精開運之曲

炎精開運篤生

聖皇。

大明御極。遠紹虞唐。河清海晏。物阜民康。威加夷獠。德被戎羌。八珍有薦。九鼎馨香。鐘鼓鏜鏜。宮徵洋洋。怡神養壽。理陰順暢。保茲遐福。地久天長。

二奏皇風之曲

皇風被八表。熙熙聲教宣。時和景象明。紫宸開繡筵。
龍衮曜朝日。金爐裊祥煙。濟濟公與侯。被服麗
且鮮。列座侍

丹宸。磬折在周旋。羔豚升華俎。三饌充方圓。初筵
奏南風。繼歌賡載篇。瑤觴欣再舉。拜俯禮無愆。
同樂及斯辰。於皇千萬年。

奏平定天下之舞

舞士三十二人。皆左執干。干長三尺五寸。上闊
一尺。下廣六寸。朱質。上畫雉羽。中畫升龍雲氣。

右秉威。威長二尺五寸。硃紅漆柄。金妝威弁。分
為四行。每行八人。舞作發揚蹈厲。坐作擊刺之
狀。皆冠黃金束髮冠。紫紛纓。青羅生色畫舞鶴
花窄袖衫。白生絹襯衫。錦領。紅羅銷金大袖窄
袍。紅羅銷金裙。皂生色畫衣。沿襪。白羅銷金汗
袴。藍青羅銷金沿。紅絹擁項。紅結子。紅絹束腰。
塗金束帶。青絲大絛。錦臂鞞。綠雲頭皂靴。舞師
二人。執旌以引之。旌長七尺五寸。硃紅漆柄。金
龍吞口。懸五色羽九層。每層用塗金寶蓋。紅絲
縹穿末。垂絲結子。皆冠黃金束髮冠。紫紛纓。青

羅大袖衫。白絹襯衫。錦領。塗金束帶。綠雲頭皂靴。

樂章

清海宇

拔劍起淮土。策馬定寰區。王氣開天統。寶曆應乾符。武畧文謨。龍虎風雲。勦業初。將軍星繞弁。勇士月彎弧。選騎平南楚。結陣下東吳。跨蜀驅胡。萬里山河壯。

帝居

三奏春皇明之曲

赫赫

上帝眷我

皇明大命既集。本固支榮。厥本伊何。育德

春宮。厥支伊何。藩邦以寧。慶延百世。澤被羣生。及時為樂。天祿是膺。千秋萬歲。永觀厥成。

奏撫安四夷之舞

舞士十六人。東夷四人。推髻於後。繫紅銷金頭繩。紅羅銷金抹額。中綴塗金博山。兩旁綴塗金環。明金耳環。青羅生色畫衣。大袖衫。紅生色領袖。紅羅銷金裙。青銷金裙沿。紅生絹襯衫。錦領。

塗金束帶。烏皮鞋。西戎四人。間道錦纏頭。明金
耳環。紅紵絲細褶襖子。大紅羅生色雲肩。綠生
色沿。藍青羅銷金汗袴。紅銷金沿。繫腰合鉢。十
字泥金數珠。五色銷金羅香囊。紅絹擁項。紅結
子。赤皮靴。南蠻四人。縮朝天髻。繫紅羅生色銀
錠。紅銷金抹額。明金耳環。紅織金短襖子。綠織
金細褶短裙。絨綿袴子。間道紵絲手巾。泥金項
牌。金珠纓絡。綴小金鈴。錦行纏。泥金獅蠻帶。綠
銷金擁項。紅結子。赤皮靴。北狄四人。戴單于冠。
貂鼠皮簷。雙垂髻。紅銷金頭繩。紅羅銷金抹額。

諸色細褶襖子。藍青生色雲肩。紅結子。紅銷金汗袴。繫腰合鉢。皂皮靴。四夷各為一行。舞作拜跪。朝謁喜躍。俯伏之狀。舞師二人。執幢以引之。幢長七尺五寸。珠紅漆柄。金龍吞口。懸玉綵羅。幢五層。每層綴五色銷金吹帶末垂紅粉結子。皆戴白捲簷羶帽。塗金帽頂。一撒紅纓。戴羅帽。襟紅綠金繡襖子。白銷金汗袴。藍青銷金沿。塗金束帶。綠擁項。紅結子。赤皮靴。

樂章

小將軍

大明君定宇寰。

聖恩寬掌江山。東虜西戎。北狄南蠻。手高擎寶貝盤。

殿前歡

五雲官闕連霄漢。金光明照眼。玉溝金水聲潺湲。頰顛觀。趨蹌看。儀鑿嚴肅百千般。威人心膽寒。

慶新年

虎豹關文武班。五綵間。慶雲朝霞燦。黃金殿。喜氣增。丹墀內。仰。

聖顏。翠遶紅圍錦繡班。高樓十二欄。笙簫趁紫檀。僊。

音韻。瑤纂按。拜舞齊歌謠讚吾。

皇萬壽安

過門子

定宇寰。定宇寰。掌江山。撫百蠻。謳歌拜舞仰祝讚。萬萬年。

帝業安。

四奏天道傳之曲

馬負圖。子天道傳。龜載書。子人文宣。羲畫封。子禹疇。敘。

皇極建。子合自然。綿綿曆數歸。

明主祥麟在郊威鳳舞九夷入貢康衢謠。

聖子神孫繼

祖武垂拱無為邁前古

奏車書會同之舞

舞士三十二人。左執蓋。蓋長一尺五寸。硃紅漆。篁竹為之。上開三竅。右秉翟。翟長三尺五寸。硃紅漆柄。金龍吞口。上綴雉羽五層。每層用塗金寶蓋。紅絲絛穿末。用紅綠結子。分為四行。每行八人。舞坐作進退舒徐揖讓升降之狀。皆冠黑光描金方山冠。青紛纓。衣素紅羅大袖衫。紅生

絹襯衫。錦領。紅羅擁頤。紅結子。塗金束帶。白絹
大口袴。白布鞞。茶褐鞋。舞師二人。執翽以引之。
翽長七尺五寸。硃紅漆柄。金龍吞口。懸白鷺羽
九層。用塗金寶蓋。紅絲絛穿末。垂紅絲結子。冠
服與舞士同。惟大袖衫用青。不用紅羅領紅結
子。

樂章

泰階平

乾坤清寧。治功告成。武定禍亂。文致太平。郊則
致其禮。廟則盡其誠。卿雲在天。甘露零。風雨時

若百穀登。禮樂雍和。政刑肅清。

儲嗣既立。封建乃行。讒佞屏四海。賢俊立

朝廷。玉帛鐘鼓。陳兩楹。君臣賡歌。揚頌聲。

五奏振皇綱之曲

周南詠麟趾。卷阿歌鳳凰。藹藹稱多士。為楨振
皇綱。赫赫我

大明。德尊踰漢唐。百揆修庶績。公輔理陰陽。我冠正
襟佩。都俞在高堂。坐令八紘內。熙熙民樂康。氣
和風雨時。田疇見豐穰。獻禮過三爵。歡娛良未
央。

奏百戲承應

六奏金陵之曲

鍾山蟠蒼龍。石城踞金虎。千年王氣都。于今歸
聖主。六代繁華經幾秋。江流東去無時休。誰言天塹
分南北。英雄豈但嗤曹劉。我

皇昔住濠梁屋。神遊天錫真人服。提兵乘勢渡江來。
詞臣早獻金陵曲。歌金陵。進珍饈。諧八音。繼三
歎。請觀漢祖用兵時。為嘗馮異滹沱飯。

奏百戲承應

七奏長楊之曲

長楊曳綠。黃鳥和鳴。苗苗呈鮮。紫燕輕盈。千萼
浥露。日麗風清。及時為樂。芳尊在庭。管音嘒嘒。
絲韻泠泠。玉振金聲。各奏爾能。皤皤國老。載勸
載懲。明德惟馨。垂之聖經。唐風示戒。永保嘉名。
無已太康。哲人是聽。

奏百戲承應

八奏芳醴之曲

夏王厭芳醴。商湯遠色聲。聖人示深戒。千春垂
令名。惟

皇登九五。玉食保尊榮。日昃不遑餐。布德延羣生。天

庖具豐膳。鼎彝事調烹。豈但資肥甘。亦足養遐
齡。達人悟茲理。恒令五氣平。隨時知有節。昭哉
天德行。

奏隊舞承應

九奏駕六龍之曲

日麗中天漏下遲。公卿侍燕多令儀。蕭韶九奏
觴九獻。爐煙細逐祥風吹。羣臣舞蹈

天顏喜。歲熟民康長若此。六龍迴駕鳳樓深。寶扇齊
開扶玉几。景星呈瑞慶雲多。兩曜增輝四序和。
聖人道大如

天地歲歲年年柰樂何

奏隊舞承應

進膳樂

樂器

笙二

笛二

鼓一

板一

杖鼓八

樂章

水龍吟

寶殿祥雲紫氣濛。

聖明君。龍德宮。氤氳霧。霽檜栢。間青松。龍樓鳳閣。雕
梁畫棟。此是蓬萊洞。

太平清樂

樂器

笙四

笛四

頭管二

箏四

杖鼓八

小鼓一

板一

方響一

樂章

太清歌

萬國來朝進貢。仰賀

聖明主一統華夷。普天下八方四海南北東西託

聖德。勝堯王保護家國。太平天下都歸一。將兵器銷
為農器。旌旗不動。酒旗招。仰荷

天地

上清歌

一願四時風調雨順。民心喜。攝外國將寶貝。攝
外國將寶貝。見

君王來朝寶殿裏。珊瑚瑪瑙玻璃。進在丹墀

開天門

託長生。日月光天德。萬萬歲永固。
皇基。公卿文武來朝會。開玳筵。捧金杯。

設立大樂

樂器

戲竹二

簫四

笙四

笛二

頭管二

琵琶二

纂二

二十絃二

方響二

鼓一

板一

杖鼓八

陞座

還宮

百官行禮

樂章

萬歲樂

朝天子

見朝儀

迎膳樂

樂器

戲竹二

笙二

笛四

頭管二

簫二

鼓一

板一

杖鼓十

樂章

水龍吟 同前

大祀慶成大宴萬國來朝隊舞纓鞭得勝隊舞

萬壽聖節大宴九夷進寶隊舞壽星隊舞

冬至大宴讚聖喜隊舞百花聖朝隊舞

正旦大宴百戲蓮花盆隊舞勝鼓采蓮隊舞

永樂間定

殿內侑食樂

樂器

麾一

簫四

笙四

笛四

埙二

篪二

排簫二

琴四

編鐘一

編磬一

祝一

敔一

搏拊一

應鼓一

樂章

一奏上萬壽之曲

龍飛定萬方受

天命振紀綱，彝倫攸敘，四海康。普天率土盡來王，臣
民舞蹈，萬呼載揚，稱觴奉吾

皇聖壽天長

奏平定天下之舞

引舞二人。皆服青羅包巾。青紅綠玉色羅銷金
臂背襖子。渾金銅帶。紅羅裕褲。皂雲頭靴。青綠
羅銷金包臂。舞人三十二人。服色與引舞樂工
同

樂章

四邊靜

威伏千邦。四夷來賓。納表章。顯禎祥。承乾象。
皇基永昌。萬載山河壯

刮地風

聖主過堯勝禹。湯立五常三綱。八蠻進貢朝

今上頓首誠惶。朝中宰相。變理陰陽。五穀收成。萬民歡暢。賀吾

皇。齊讚揚。萬國來降。

二奏仰天恩之曲

皇天眷

聖明。五辰順四海寧。風調雨順。百穀登。臣民鼓舞樂

太平。賢良在位。邦家永禎。吾

皇仰洪恩。夙夜存誠。

奏黃童白叟鼓腹謳歌承應

樂器

笛四

大鼓一

小鼓一

鼗子二

拍板二

酒壺一

酒鍾一

杖鼓二

樂章

豆葉黃

雨順風調五穀收成倉廩豐盈大利民生託賴

著

皇恩四海清。鼓腹謳歌白叟黃童。共樂咸寧。

奏撫安四夷之舞

引舞樂工二人。皆服紅氈帽。紅羅銷金項帕。紅青綠羅銷金襖子。紅羅袷褙。紅青綠羅銷金包臂。皂雲頭靴。

揲撥樂器

笛二

頭管二

簫二

琵琶二

水盞一

鼗子二

拍板一

二十絃二

高麗舞四人。皆服笠子。青羅銷金胸背襖子。銅帶。皂靴。琉球舞四人。皆服綿布花手巾。青羅大袖襖子。銅帶。白碾光絹間道踢袴。皂皮鞋。北番舞四人。皆服狐帽。青紅紵絲銷金襖子。銅帶。伍魯速回回舞四人。皆服青羅帽。比皇竿綿布花手巾。銅帶。皂靴。

樂章

小將軍

順

天心。

聖德誠化。番邦盡朝京。東夷歸伏。舞於龍廷。貢
皇明寶貝擎。

殿前歡

四夷率土歸

王命都來仰

大明萬邦千國皆歸正。現

帝庭朝

仁聖。天階班列衆公卿。齊聲歌太平

慶豐年

和氣增。鸞鳳鳴。紫霧生。祥雲朝霞映。藝金爐香

味馨。列丹墀。

御駕盈。絃管簫韶五音應。龍笛間鳳笙。

渤海令

金杯中。酒滿盛。

御案前。列羣英。

君德成。

皇圖慶。嵩呼萬歲聲。

過門子

聖主興。

聖主興。顯威靈。變夷靜。

至仁至德至聖明萬萬年

帝業成

三奏感地德之曲

皇心感地靈。順天時。德厚生。含弘光大。品物亨。鍾奇毓秀。產俊英。河清海晏。麟來鳳鳴。陰陽永和平。相我文明。

奏車書會同之舞

舞者三十四人。皆服皂羅頭巾。青綠玉色皂沿邊襪。茶褐線絛。皂皮四縫靴。

樂章

新水令

錦衣花帽設丹墀。具公服百司同會。麟至舞鳳
來儀。文武班齊朝賀。

聖明帝

水僊子

八方四面錦華夷。天下蒼生仰

聖德。風調雨順昇平世。遍乾坤皆讚禮。說

君恩民樂雍熙。萬萬年

皇基堅固。萬萬載江山定體。萬萬歲

洪福天齊

四奏民樂生之曲

世間的萬民荷

天地感

聖恩。乾坤定位四海春。君臣父子正大倫。

皇風浩蕩。人心載醇。熙熙樂天真。永戴

明君

奏表正萬邦之舞

引舞二人。皆執紅纓。素服青羅。包巾。紅羅銷金。項帕。紅生絹錦領中單。紅生絹銷金通袖襖子。青綿絛。銅帶。織錦臂鞞。皂雲頭靴。各色羅銷金。

包臀紅絹裕褩。舞人樂工六十四人。皆執干一。
小鉞斧一。服色與引舞同。

樂章

慶太平

姦邪濁亂。朝綱構禍。難煽動戈。折赫恣吾
皇親征。壩上指天戈。敵皆降。

武士歡

白溝戰場。旌旗雲合。迷日光。令嚴氣張。三軍踴
躍齊奮揚。掃除殘甲。如風蕩。凱歌傳四方。
仁聖不殺降。望河南。失挽槍。

滾繡毬

肆旅拒恃力強。一心構殃。築滄洲百尺城隍。驛
薑毒恣虎狼。孰能禦當順。

天心有德隆昌。倒戈歛甲齊歸降。撫將生還達故鄉。
自此仁閒愈彰。

陣陣嵐

不數孫吳兵法良。

神謀睿算合陰陽。八陣堂堂行天上。虎畧龍韜孰敢
當。俘囚十萬皆踈放。感荷。

仁恩戴上蒼。

得勝回

兩傍四方展鳥翼。風雲鴈行。出奇兵。敵難量。士
強馬強。遍百里。眠旗卧鎗。勝兵回樂洋洋。

小梁州

敵兵戰敗神魂喪。擁貔貅直渡長江。開市門肆
不移宣。

聖恩如天曠。綸音頒降。普天下。仰吾
皇。

五奏感皇恩之曲

當今四海寧。頌聲作禮樂興。

君臣慶會躋太平。衣冠濟濟宴彤庭。文臣武將共荷
恩榮。忠心盡微誠。仰答

皇明

奏天命有德之舞

引舞二人。俱執紅纓素服。青幪紗如意冠。紅生
絹錦領中單。紅生絹大袖袍。各色絹絲畫直纓。
黑角偏帶。藍絹綵皂雲頭皮靴。白布鞵。舞人樂
工六十四人。皆執紅漆羽籥。雉雞尾。服色與引
舞樂工同。

樂章

慶宣和

兩順風調萬物熙。一統華夷四野嘉。禾感和氣
一輪百穗。一輪百穗。

窄甄兒

梯航萬國來

丹陛。太平年永固洪基。正東西南北來朝會。洽宴
宇布春暉。四裔咸賓聲教美。自古明王在慎德。
不須威武服戎狄。祥瑞集鳳來儀。佳期萬萬感
聖明君。主華夷。

六奏慶豐年之曲

萬方仰

聖君大一統。撫萬民。豐年時序。雨露均。穰穰五穀。貨財設。酣歌擊壤。風清俗淳。四夷悉來賓。正統

皇仁

七奏集禎應之曲

皇天眷大明。五星聚。兆太平。彌虞出現。甘露零。野蠶成繭。嘉禾生。醴泉湧。地河水清。乾坤萬萬年。四海永寧

八奏永皇圖之曲

天心眷

皇皇正天位。撫萬邦。仁風宣布。禮樂張。戎夷稽首朝
明堂。

皇圖鞏固。賢臣贊襄。太平日月光。地久天長。

九奏樂太平之曲

皇恩被八紘。三光明四海。清人康。物阜歲。屢登。含哺
鼓腹。皆歡聲。民歌。

帝力。唐堯至仁。乾坤永清。共樂太平。

丹陛大樂

樂器

戲竹二

簫十二

笙十二

笛十二

頭管十二

簫八

琵琶八

二十絃八

方響二

鼓一

拍板六

杖鼓十二

陞座 還官

樂章

萬歲樂 與洪武間同

百官行禮

樂章

朝天子與洪武間同

導膳樂

樂器

戲竹二

笙六

笛六

頭管六

纂四

鼓一

拍板二

杖鼓八

樂章

水龍吟與洪武間同

迎膳樂

樂器

笙四

笛四

頭管四

簫二

方響一

大鼓一

拍板一

杖鼓四

樂章與導勝同

進膳樂

樂器

笙四

笛四

頭管四

簫二

方響一

鼓一

拍板一

杖鼓四

樂章

太清歌

上清歌

開天門

俱與洪武間同

大祀慶成纓鞭得勝蠻夷隊舞

萬壽聖節九夷進寶隊舞

冬至節讚聖喜隊舞

正旦節百戲蓮盆隊舞

嘉靖間續定慶成宴樂章

陞座

萬歲樂

五百昌期嘉慶會啓

聖皇龍飛天位九州四海重華日。

大明朝萬萬世

百官行禮

朝天子

滿前瑞煙香遶蓬萊殿。風回韶律鼓淵淵。列陞
上旌旗。絢日。至朱躔。陽生赤甸。氣和融徹。

上玄。歷年萬千。長慶天宮宴。

上護衣上花

水龍吟

寶殿金爐瑞靄浮。陳玉案列珍羞。天花炫彩照耀。翠雲裏。鸞歌鳳舞。虞庭樂奏。

萬歲君王壽

一奏上萬歲之曲

聖主垂衣裳。興禮樂。邁虞唐。蕭韶九成。儀鳳。日月中天。照八荒。民安物阜。時和歲康。上奉

萬年觴。胤祚無疆。

奏平定天下之舞

四邊靜

天啓嘉祥。

聖主中興振紀綱。頌洋洋。功蕩蕩。

國運隆昌萬歲

皇圖壯

鳳鸞吟

維皇

上天佑

聖明景命宣。五雲輝。三台潤。七緯光。懸協氣。生嘉祥。

見正萬民。用羣賢。

垂衮御經筵。宵衣勤政殿。禮

園丘

大祀精虔。明水潔蒼璧。圓乘周文。承祫薦春。
皇家億萬斯年。

二奏仰天恩之曲

皇穹啓

聖神。欽

乾運。祇

郊禋。一陽初動。霽先春。萬福來同仰。

至仁祥開日月瑞見星辰禮樂協
神人宇宙咸新

迎膳

水龍吟

春滿雕盤獻玉桃葭管動日輪高
熹微霽色遙映

袞龍袍千官舞蹈鈞韶迭奏曲度昇平調

進膳

水龍吟

紫禁瓊筵煖應冬驟八瓊乘六龍
玉卮瓊宇散

會考卷之十
圭
座獻

重瞳。堯天廣運。舜雲飛動。喜聽賡歌頌。

進湯

太清歌

長至日。開黃道。喜乾坤佳氣。陽長陰消。奏鈞韶。

音調鳳軫。律協鸞簫。仰

龍顏。天日表。如舜如堯。金爐煙煖。御香飄。玉墀晴霽。祥光遠。宮梅苑柳。迎春好。燕樂蓬萊島。

上清歌

雲捧

宸居。五星光映三台麗。仰日月層霄霽。仰日月層霄
霽。

中興重見唐虞際。太和元氣自陽回。兆姓歡愉

開天門

九重霄。日轉

皇州曉。燕

天家共歌魚藻。龍鱗雉尾高。祝

聖壽慶清朝

奏黃童白叟鼓腹謳歌承應

御製歌

雅奏樂昇平。瞻

絳闕集

瑤京黃童白叟喜氣盈。謳歌鼓舞四海寧。金枝結
秀。玉樹含英。聽康衢擊壤聲。

帝力難名

三奏感昊德之曲

帝德運光明。一陽動。萬物生。升中

大報蒼壁陳。禮崇樂暢。韻太清。星懸紫極。日麗璇庭。
乾坤瑞氣盈。海宇安寧

奏撫安四夷之舞

賀聖朝

華夷一統萬國未同。獻方物。修庭貢。遠慕
皇風。自南自北。自西自東。望

天官。佳氣鬱重重。四靈畢至。麟鳳龜龍。

殿前歡

瑞雲晴靄浮宮殿。一脈陽和轉。禮成交泰開周
宴。鳳笙調。

龍幄展。

天心感格人歡忭。四海謳歌徧。

慶豐年

賴

皇天錫豐年。勤禹稼。力舜田。喜慰三農願。嘉禾秀瑞
麥鮮。賦九州貢八埏。

神倉御廩咸克滿。養民以養賢。

新水令

聖德精禋格

昊穹大一統。四夷來貢。玉帛捧文軌同。世際昌隆共
聽與人頌

太平令

誕明禋

天監

元后光四表。惠澤周流。來四裔。趨前擁後。獻萬寶充庭。滿園。稽首頓首。

天高地厚。祝

聖人。多男福壽。

四奏民樂生之曲

大報禮初成。象

乾德遠

皇誠神州赤縣。永清寧。靈雨和風。樂太平。陰陽交暢。品物咸亨。元化自流行。允殖羣生。

迎膳

水龍吟

五色祥雲捧

玉皇開闔闔。坐明光。鈞天樂奏冬日

御筵張。文恬武熙太平氣象。人在唐虞上

進膳

水龍吟

玉律陽回景運新。燕鷲京鵠

皇仁。光昭雲漢一氣沸韶韻。錦瑟和聲。瑤琴清韻。瞻

仰

天顏近

進湯

太清歌

萬方民樂時雍。鼓舞荷

天工。雷行風動。喜今逢。南蠻北貊。東夷西戎。未朝貢
大明宮。星羅斗拱。

九重天上六飛龍。五色雲間雙彩鳳。普天率土效
華封。允協河清頌。

奏車書會同之舞

新水令

五雲深護

九重城感

洪恩。

一人有慶。陽初長禮方行。

帝德文明。表率邦家正。

水僊子

萬方安堵。樂康寧。九域同仁荷。

聖明。千年撫運承。

天命。露垂甘。河獻清。見雙岐。秀麥連莖。喜靈雪隨冬。
應。觀祥雲拂曙生。神與化。並運同行。

五奏感皇恩之曲

雙闕五星光。霓旌樹紫蓋張。璇臺玉曆轉新陽。鈞
天廣樂諧宮商。

恩深露湛喜溢霞觴。日月煥

龍章。地久天長

奏表正萬邦之舞

慶太平

維

天眷我

聖明禮

園丘

至德精誠。

乾元永清。洪膺

景命。休徵應泰階平。

千秋歲

聖主乘龍御萬邦。慶雲翔化日重光。羣臣拜舞稱
壽觴。載歌天保章。

滾繡毬

五雲車度

九重利見飛龍耀

袞章火藻。辛蟲擊虎。啟者鳧鐘。跼鼓達達。八珍列九鼎。豐隆。

堯眉揚彩。舜重瞳。萬國咸熙。四海雍熙。齊歌頌聖德神功。

殿前歡

萬年禮樂

中興日。大化觀薰熙。河清海晏。臻祥瑞。五行順。七政齊。超三邁。五貞元會。既醉頌鳧鷖。

天下樂

萬靈朝拱。接清都。享

南郊欽

天法

祖願

聖人承乾納祐。中和位育。龜獻範。馬陳圖。

醉太平

禮樂萬年規。謳歌四海熙。衣冠蹈舞
九龍墀。

麗正仰南離。紫雲高捧

唐虞帝。垂衣天下文明治。鑄鳥岐鳳呈嘉瑞。真箇是
人在成周世。

六奏慶豐年之曲

聖人懋承乾。綏萬邦。屢豐年。

神倉御廩登天田。明粢鬱鬯祀孔虔。與情咸豫協
氣用宣萬古

帝圖傳璧合珠聯

七奏集禎應之曲

天保泰階平。寶露降漳河。清嘉禾秀麥集休禎。
遐陬絕域喜氣盈。

一人有慶。百度惟貞。萬國頌咸寧。

麗正重明

八奏永皇圖之曲

鷦燕集天京，頌魚藻歌鹿鳴。邊陲安堵萬國寧。
重譯來庭四海清。咸池日曙昧谷雲征。

帝座仰

前星。豫大豐亨

九奏樂太平之曲

皇極永登祥。乾符啓泰運昌。玉管回春動一陽。金鑾
錫燕歌九章。虞庭獸舞岐山鳳。翔日麗

袞龍裳。

主聖臣良

迎膳

水龍吟

香霧氤氳。紫閣重仰。

天德。瞻

帝容。星輝海潤。甘雨閒和風。樂比鳶魚。瑞呈麟鳳。永
獻卷阿頌。

進膳

水龍吟

萬戶千門。啓建章。台階峻。

帝座張。三垣九道。北斗玉衡光。元氣調和。雅韻鏗鏘。

昭代慶明良

太清歌

萬方國盡來庭。稽首歌

帝仁。仰荷生成。振乾綱。陰陽順序。民物樂生。逢

明聖。萬年春永膺

休命。華夷蠻獠咸歸正。蒼生至老不知兵。鼓腹含哺
圍太平。九有享清寧

奏天命有德之舞

萬歲樂

太平

天子興隆日。履初長陽。回元吉。醴泉芝草休徵集。曾
聞道五星聚室。

賀聖朝

一人元良。百度維新。握赤符。凝玄應。享太清。大禮方
行。祀事孔明。感

天心億載恒承慶。

明王慎德。四夷咸賓。

奏纓鞭得勝蠻夷。隊舞承應。

醉太平

星華紫殿高。雲氣彤樓遠。九夷重譯梯航到。

皇圖光八表。玉宇無塵明月皎。銀河自轉扶桑曉。平
平蕩蕩歸王道。百獸舞。鳳鳴。簫韶。

看花會

普天下都賴吾

皇至聖。看玉關頻款。天山已定。四夷效順歸
王命。天保歌。羣黎百姓

天下樂

九重樂奏萬花開。望

龍樓雲蒸霧靄。仰

天工雍熙

帝戴。臣民歡戴。溥仁恩。遍九垓。

清江引

黃鍾既奏陽和長。德盛

天心。既人文日月明。

國勢山河壯。衛室民謠頻擊壤。

奏致語

萬民安樂

天下太平

萬呼萬歲

再動樂聲

清江引

鈞天畢奏日方中。既醉歡聲動。雲章傍

袞龍。颺勢翔威鳳。萬方安樂興嘉頌。

千秋歲

上下交歡燕禮成。一陽奮萬彙咸亨。風雲會合開
明運。紫極轉璇衡。

宴畢百官行禮

朝天子

文班。武班。歡動承明殿。禮成樂備頌聲宣。真尺
尺。仰。

天顏。日照龍筵風回雉扇。翠華旋奉僊鑿。雲間斗間。
五色金章燦。

還宮

萬歲樂

天回北極雲成瑞。望層霄重華日麗。九域八極
樂雍熙祝。

聖壽萬萬歲

小宴樂

永樂間定

侑食樂

樂器

簫二

笙二

纂二

樂章

一奏本太初之曲

朝天子

混兮。沌兮。水土成元氣。不分南北與東西。未辨
天和地。萬象包涵其中。秘密難窮造化機。是陰
陽本體。乃為之太極。兩儀因而立。

二奏仰大明之曲

歸朝歌

太極分。混然方始見儀形。清浮濁偃乾坤定。日

月齊興照青霄萬象明陽須動陰須靜陰與陽
皆相應流行二氣萬物俱生

奏百戲承應

三奏民初生之曲

沽美酒

乾坤清。宇宙寧。六合淨。四維正。萬象原來一氣
生。定三才五行。民與物共成羣。

太平令

為一類。不分人品。竟生食。豈曉庖烹。避寒暑。巢
居穴。蟻披樹。葉相尋。赴。如何是愛親。世情治生。

雖混然各安其性

奏百戲承應

四奏品物亨之曲

醉太平

黎民生世間。萬物長塵寰。陰陽交運轉循環。久
遠時庶繁。相傳氣候應無間。品物交錯憑誰鑒。
望

聖人出世整江山。主萬民得安

奏百戲承應

五奏御六龍之曲

清江引

人心久仰生

聖君。

天使人生聖。

聖人受

天機體

天居中正。

御六龍。

聖明登九重。

碧玉簫

君坐神京。海嶽共從新。民仰
君恩。

聖治有人倫。人品分。萬物增。

聖承乾。百福臻。垂法明。尊

大命。與後朝。皆從正。

奏百戲承應

六奏泰階平之曲

十二月

聖乃有言天。

天是無言聖。

聖人臨正萬物亨通恩威盛

社稷安仁德感江山定選用英賢興

王政分善惡賞罰均平三公九卿左右股肱庶事康

寧

奏百戲承應

七奏君德成之曲

十二月

皇基以興。

聖帝修身奉

天體道。

聖德愈明敬

天地勤勞萬民立法度上下咸寧

堯民歌

風俗禮樂厚彝倫愛興學校進儒經賢臣良將
保

朝廷四野人民頌歡聲用的是賢英賢英定太平
寰海皆歸正

奏百戲承應

八奏聖道行之曲

金殿萬年歡

三綱既定九疇復興。

聖道如天。嘉禾齊秀。寒暑和平。

聖威無邊。

皇基穩勝磐石。慶雲生景星長現。三光輝耀。百穀收
成。萬姓安寧。

得勝令

聖德感

皇乾甘露降山川。萬邦來朝貢。奇珍擺布全。玉階下

鳴鞭仰

聖主陞金殿。丹墀列英賢。讚吾

皇豐稔年

奏百戲承應

九奏樂清寧之曲

普天樂

萬邦寧。

皇圖正。

父君

母后天下咸欽。

君治外永聖明。

后治內長安靜。

御聖從乾皆從正。德相傳
聖子神孫。

天威浩蕩。江山永固。洪福無窮。

沽美酒

和氣生滿

玉京祥煙起映

皇宮。

明聖開基整萬民。風雲會
帝庭。奏簫韶九韻成。

太平令

集霧隱金鑾彩鳳祥光罩良將賢臣玉案列珍
羞美醞寶鼎藝龍涎香噴

至尊永寧。

儲嗣守成賀萬萬歲

一人有慶

奏魚躍于淵水應

設立大樂

樂器

笙二

笛二

頭管二

箏二

鼓一

板一

杖鼓八

陞殿

還宮

百官行禮

樂章

萬歲樂

朝天子

與前同

進膳

水龍吟

與前同

奉天門宴百官止用本太初仰大明民初生三奏
樂章進酒進膳樂同惟百官行叩頭禮用朝天
子樂章宴畢導

駕還宮用御鑿歌

嘉靖間

仁壽宮落成宴樂章

脩食

一奏本太初之曲

朝天子

帝誠。

帝明寶位基昌命。僊苑開筵歌鹿鳴。學殿

天章映。我有嘉賓鼓瑟吹笙。示周行昭德音。日升。月

恒。萬載。

皇國正

二奏仰大明之曲

殿前歡

天保定

聖人多壽多男慶修和禮樂協中興

麗正重明如山阜如岡陵如川方至莫不增協氣
生禎祥應百神受命萬國來庭

三奏民初生之曲

沽美酒

黃河清。寶露凝。瑞麥呈。靈鵲鳴。諸福來同仰

聖明喜萬寶告成，占景緯泰階平。

太平令

念農桑衣食之本，仰

君德獨厚，民生事耕鑿，羣黎百姓。歌鹿鳴，神人胥慶。明主燕嘉賓，承筐鼓瑟笙。繼自今，福增天定。

四奏品物亨之曲

醉太平

瑤宮怡

聖顏闕苑隔人寰，吹笙鼓瑟

寶旨酒

天開宴鹿鳴歌舞黃金殿。賴吾
皇錫福萬民安。醉歌天保歡。

五奏御六龍之曲

清江引

聖工有道樂昇平。燕會延休慶務本軫民生。弘化凝
天命。忻落成。萬載開

鴻運

碧玉簫

帝重農桑。

法駕起明光。鱗游鳳翔。宴陳天保章。開玳筵薦瑤

觴既醉頌洋洋。

聖德魏。

皇恩蕩。世際唐虞上。

進膳

水龍吟

寶瑟瑤笙鼓吹喧。

聖天子御華筵。南山萬壽。瑞日正中天。自穀豐年。八
方珍膳。人樂昇平宴。

太清歌

瑞麥嘉瓜臻瑞仰荷

堯舜主愛育羣黎感

天意五風十雨秋報春祈。徧爾德勸農桑日用衣食。
嘉賓和樂開筵地。紅雲捧雕盤珍味。山呼萬歲。
福無疆日升川至。

上清歌

仰賴吾

皇

天兩地凝和氣。四三王。六五帝。四三王。六五帝。

國家興賢才。為上瑞。養萬民。九域熙。百祿咸宜。

開天門

寶殿輝龍虎風雲會瞻

丹陛觀

紫微周詩歌既醉螽斯麟趾開祥瑞仰

飛龍在天位

幽風亭宴講官樂章

侑食

一奏本太初之曲

朝天子

九重詔傳殿閣開秋宴授衣時節肅霜天禾稼登
場徧鼓瑟吹笙昇平重見工歌七月篇春酒當

筵獻願吾

皇萬年。歲歲臨

西苑

二奏仰大明之曲

殿前歡

鳳苑

御筵開。黃花映玉階。鹿鳴天保歌。三代古詞新。裁奉
君王萬壽杯。日月明。乾坤大。看年年秋報賽。太平有
象。

元首明哉

會典卷三
四
三奏民初生之曲

沽美酒

熙春陽。化日長。執懿筐。采柔桑。拾繭繰絲有萬箱。染紅黃。孔陽為公子。製衣裳。

太平令

勤樹藝。歲年豐穰。九十月禾黍登場。為春酒甕。浮新釀。村田樂齊歌。齊唱。饗公堂。殺羊舉觴。繼進著兕觥。祝。

聖壽萬靈扶相

四奏品物亨之曲

醉太平

納嘉禾滿場釀

御酒盈缸公桑蠶績製玄黃服

龍衣袞裳螽斯蟋蟀諧清唱水光山色明僊仗。

幽風亭殿進霞觴祝

聖壽無疆

五奏御六龍之曲

清江引

九月風光何處有。

鳳苑在

龍池右。農夫稼已登。公子衣方授。

萬歲君王頻進酒

碧玉簫

凡我生民。農桑最苦辛。終歲經營氣。候變冬春。
田畯欣婦子勤。詠豳詩。仰化釣場圃。新風雨順。
宴

御墀

龍顏近

進膳

水龍吟

養老休農啟

御筵瀉春酒。介耆年。封羊剪韭。社鼓正闐闐。香粳米
顆升堂拜獻。此樂真堪羨。

太清歌

九月天開

西苑。

宸居無逸殿。

講幄張筵。集儒流雲。蒸星炫壁。緯珠躔。睹

御製煥

天章。昭回雲漢。堯天舜日。民安晏。

御廩神倉百穀登。金輝玉燦休徵見。大有豐年

上清歌

鳳苑宸居。公桑

帝藉今方舉。躬耕蠶勸士女。躬耕蠶勸士女。獻羊羔
升堂奏樂舞。葵菽棗壺上珍廚。

萬壽山呼

開天門

幽風亭。共仰吾

皇聖。百穀登。萬國咸寧。民康物阜。禎祥應仰。

乾運。俯坤靈。

皇后親蠶宴內外命婦樂章

陞座

天香鳳韶之曲

春雲繚繞芳郊曙。喜乾坤萬象咸舒。蘭皋蕙圃

迎

仙馭采柔條攀茂樹。蠶宮蘭館

親臨御。璧月珠星照太虛。開筵還駐

翠銷旗萬載垂

貞譽

進膳

沽美酒

鸞禮成。

鳳輦停薦霞觴列雲屏。

宮妃世婦仰

坤寧祥雲映紫冥同祝頌耀

前星

回宮

御鑾歌

推

天啓

聖皇。

君耕藉。

后躬桑身先田織率萬邦。

天清地寧民阜康百穀用成四夷來王治化登虞唐。

世發禎祥

東宮宴樂

永樂間定

樂器

簫四

笙四

箏二

樂章

一奏喜千春之曲

賀聖朝

開國承

天聖感極多。總一統封疆。闢百姓快活。萬物榮光。共沐恩波。仙音韻合。讚昇平詠歌。齊朝拜。千千歲。東宮滿國春和。

二奏永南山之曲

水僊子

洪基永固海波清。盛世明時禮樂興。華夷一統江

山靜民通和樂太平讚

東宮仁孝賢明秉鈞衡端正順乾坤泰亨坐中華
萬世昌寧

奏百戲承應

三奏桂枝香之曲

瞻宮曲

曉光融燕享

春宮日朗風和喜氣蔥蔥鎮領台樞規宏網憲禮
節至公事

聖上柔聲婉容開安寧勤孝虔恭果斷寬洪剛健文

明

聖德合同

奏百戲承應

四奏初春曉之曲

小梁州

端拱

嚴宸事

紫微秉運璇璣四時百物總相宜仰賴

明君德大業勝磐石

皇儲仁孝明忠義美遐方順化朝儀孝能歡慈愛

心。敬篤上尊卑意。禮上和和睦。民鼓舞樂雍熙。

奏百戲承應

五奏乾坤泰之曲

滿庭芳

春和玳筵。安邦興國。欽

聖尊賢。文英武烈於民便。禮樂成全。享大業中庸不
偏。順天常節儉為先。達文獻。嚴儀訓典。孝敬億
千年。

奏百戲承應

六奏昌運頌之曲

喜秋風

文武安軍民樂宴

文華會班僚五雲齊動鈞天樂賀

春宮讚

皇朝

奏百戲承應

七奏泰道開之曲

沽美酒

布春風滿畫樓對嘉景鳳凰洲高捧金坡碧玉
甌設威儀左右分品從列公侯

太平令

效

聖上誠心勤厚。主宗器嚴備春秋。諧律呂僊音齊奏。
欽王政。

皇天保佑。拜舞頓首。讚祝進酒。千千歲康寧福壽。
迎膳樂

樂器

戲竹二

笙四

笛四

頭管四

簫二

琵琶二

鼓三

拍板二

杖鼓四

樂章

水龍吟

方響笙纂鼓樂喧排寶器開玳筵鸞儀旌節錦
繡景相連管纓趨進皆未朝見春滿

文華殿

陞殿

還宮

樂章

千秋歲 與前同

大明會典卷之七十三